

四庫全書

經部

欽定四庫全書

儀禮述註卷十七

安溪 李光坡 撰

有司徹第十七

鄭目錄云少牢之下篇也上大夫既祭饌尸於堂之禮若下大夫祭畢禮尸於室中無別行饌尸於堂之事天子諸侯之祭明日而饌

有司徹

註曰徹室中之饋及祝佐食之俎卿大夫既祭而賓尸禮崇也賓尸則不設饌西北隅以此薦俎之陳有祭象而亦足以厭飫神天子諸侯明祭於祊而繹春秋傳曰辛巳有事於太廟仲遂卒于垂壬午猶繹是也爾雅曰繹又祭

埽堂

註曰為賓尸新之少儀曰汎埽曰埽埽席前曰拊

司宮攝酒

註曰更洗益整頓之○疏曰洗當作撓因前正祭之
酒更撓攬添益整新之也

乃燹尸俎

註曰燹溫也溫尸俎於爨所亦溫焉獨言溫尸俎則
祝與佐食不與賓尸之禮古文燹皆作尋記或作燂
春秋傳曰若可燂也亦可寒也

卒燹乃升羊豕魚三鼎無腊與膚乃設扃鼎陳鼎于門
外如初

註曰腊為庶羞膚從豕去其鼎者賓尸之禮殺於初
如初者如廟門之外東方北面上○疏曰下載不
見腊體明從庶羞可知下載體時膚猶在豕鼎不為
庶羞可知

乃議侑於賓以異姓

註曰議猶擇也擇賓之賢者可以侑尸必用異姓廣
敬也是時主人及賓有司已復內位

宗人戒侑

註曰戒猶告也南面告於其位戒曰請子為侑○疏

曰賓位在門東北面

侑出俟于廟門之外

註曰俟待也待於次當與尸更入主人興禮事尸極敬心也

司宮筵于戶西南面

註曰為尸席也

又筵于西序東面

註曰為侑席也

尸與侑北面于廟門之外西上

註曰言與殊尊卑北面者賓尸而尸益卑西上統於賓客○疏曰北面執臣道

主人出迎尸宗人擯

註曰賓客尸而迎之主人益尊擯贊○疏曰宿尸祝擯此宗人擯正祭主人不迎尸以申尸之尊此迎之主人拜尸答拜主人又拜侑侑答拜主人揖先入門右

註曰道尸

尸入門左脩從亦左揖乃讓

註曰沒雷相揖至階又讓

主人先升自阼階尸脩升自西階西楹西北面東上

註曰東上統於其席○疏曰以其賓席以東為上故也

主人東楹東北面拜至尸答拜主人又拜脩脩答拜

註曰拜至喜之

乃舉

註曰舉舉鼎也舉者不鹽殺也

司馬舉羊鼎司士舉豕鼎舉魚鼎以入陳鼎如初

註曰如初如昨階下西面北上

雍正執一匕以從雍府執二匕以從司士合執二俎以從司士贊者亦合執二俎以從匕皆加于鼎東枋二俎設于羊鼎西西縮二俎皆設于二鼎西亦西縮

註曰雍正羣史掌辨體名肉物者府其屬凡三七鼎

一七四組為尸侑主人主婦其二組設于豕鼎魚鼎
之西陳之宜具也

雍人合執二俎陳于羊俎西並皆西縮覆二疏匕于其
上皆縮俎西枋

註曰並併也其南俎司馬以羞羊七湑羊肉湑其北
俎司士以羞豕七湑豕肉湑豕脊湑魚疏七七柄有
刻飾者○疏曰七湑謂無肉直汁以其在七湑也肉
湑者直是肉從湑中來實無汁此二俎為益送之俎

主人降受宰几尸侑降主人辭尸對

註曰几所以坐安體周禮太宰掌贊玉几玉爵

宰授几主人受二手橫執几揖尸

註曰獨揖尸几禮主於尸

主人升尸侑升復位

註曰位阼階賓階上位

主人西面左手執几縮之以右袂推拂几三二手橫執

几進授尸于筵前

註曰衣袖謂之袂推拂去塵示新

尸進二手受于手間

註曰手從手間謙也

主人退尸還几縮之右手執外廡北面奠于筵上左之南縮不坐

註曰左之者異於鬼神生人陽長左鬼神陰長右不坐奠之者几輕○疏曰尸橫受之將欲縱設於席故還之使縮

主人東楹東北面拜

註曰拜送几也

尸復位尸與侑皆北面答拜

註曰侑拜者從於尸

主人降洗尸侑降尸辭洗主人對卒洗揖主人升尸侑
升尸西楹西北面拜洗主人東楹東北面奠爵答拜降
盥尸侑降主人辭尸對卒盥主人揖升尸侑升主人坐
取爵酌獻尸尸北面拜受爵主人東楹東北面拜送爵

註曰降盥者為土汚手不可酌

主婦自東房薦韭菹醢坐奠于筵前菹在西方婦贊者
執菹菹醢以授主婦主婦不興受陪設于南昌在東方
興取籩于房醴贊坐設于豆西當外列醴在東方婦贊
者執白黑以授主婦主婦不興受設于初籩之南白在西
方興退

註曰菹菹本也韭菹醢醢菹本麋醢醢熬麥也贊熬
臠實也白熬稻黑熬黍此皆朝事之豆籩大夫無朝

事而用之賓尸亦豐大夫之禮主婦取籩與者以饌
異親之當外列辟鉶也退退入房也○疏曰若正祭
則先薦後獻若繹祭則先獻後薦故祭義云君獻尸
夫人薦豆鄭註云謂繹日也則此賓尸禮與天子諸
侯繹祭同遵人朝事之籩醴黃白黑醢人朝事之豆
韭菹醢醢昌本麋羈有骨為羈無骨為醢

乃升

註曰升牲體于俎也

司馬牝羊亦司馬載載右體肩臂肱骼臑正脊一胾脊
一橫脊一短脅一正脅一代脅一腸一胃一祭肺一載
于一俎

註曰言歠尸俎復序體者明所舉肩骼存焉亦著脊
脇皆一骨也臑在下者折分之以為肉湢貶也一俎
謂司士所設羊鼎西第一俎○疏曰上篇載牲體十
一脊脅皆加竝骨二尸食特舉脊肩骼在於所俎上
文直言歠尸俎嫌所舉在所者不在故復序其體所

舉肩髀則存焉脊脅雖舉以其二以並今脊脅載一
骨在正俎一骨在滯俎故鄭云亦著脊脅皆一骨也
第一俎者此俎在侑俎之南故下文註侑俎云羊鼎
西之北俎也鄭君知尸俎在南見羊肉滯俎在豕俎
之南羊尊豕俎明尸俎在侑俎之南

羊肉滯膈折正脊一正脅一腸一胃一臍肺一載于南
俎

註曰肉滯肉在汁中者以增俎實為尸加也必為膈

折上所折分者臠肺離肺也南俎雍人所設在南者
此以下十二俎俟時而載於此歷說之耳○疏曰凡
牲體皆出汁不言湑又下豕脰亦出于汁皆不言湑
此特得湑名者特牲少牢正祭升牲體於鼎時皆無七
湑今此升牲體於尸前七湑亦升焉故得湑名以在
俎實無汁故進羊肉湑必先進羊七湑見此湑為肉
而有故在羊肉湑前進之使尸嘗之豕亦有七湑不
名肉湑而名豕脰者互見為文言脰者見在俎無汁

言肉湑者見在鼎內時有汁也湑魚者魚前無進也
湑故先言湑以明魚在湑可知通十二俎其四俎尸
侑主人主婦載羊體俎皆為正俎其餘八俎雍人所
執二俎益送往還有八其實止二俎也

司士祀豕亦司士載亦右體肩臂肫骼臠正脊一胾脊
一橫脊一短脇一正脅一代脅一膚五臠肺一載于一
俎

註曰臠在下者順羊也且謂雍人所設在北者○疏

曰承脅不折臑臑亦在下順上文豕無正俎

侑俎羊左肩左肫正脊一脇一腸一胃一切肺一載于一俎侑俎豕左肩折正脊一脅一膚一切肺一載于一俎

註曰侑俎用左體侑賤其羊俎過三體有肫尊之加也豕左肩折折分為長兄弟俎也切肺亦祭肺互言之耳無羊淥下尸也豕又祭肺不臠肺不備禮俎司士所設羊鼎西之北俎也承俎與尸同○疏曰鼎俎

數奇今有四故云加

胾俎羊肺一祭肺一載于一俎羊肉湑臂一脊一脅一
腸一胃一臠肺一載于一俎豕脊臂一脊一脇一膚三
臠肺三載于一俎

註曰胾俎主人俎無體遠下尸也以肺代之肺尊也
加羊肉湑而有體崇尸惠亦尊主人臂左臂也侑用
肩主人用臂下之也不言左臂者大夫尊空其文也
降於侑羊體一而增豕膚三有所屈有所伸亦所謂

順而撫也昨俎司士所設豕鼎西俎也其滫俎與尸
俎同豕俎又與尸豕俎同

主婦俎羊左臠脊一脅一腸一胃一膚一臠羊肺一載
于一俎

註曰無豕體而有膚以主人無羊體不敢備也無祭
肺有臠肺亦下侑也祭肺尊言臠羊肺者文承膚下
嬭也膚在羊肺上則羊豕之體名同相亞也其俎司
士所設在魚鼎西者

司士杞魚亦司士載尸俎五魚橫載之侑主人皆一魚亦橫載之皆加臠祭于其上

註曰橫載之者異於牲體彌變於神臠讀如殷呶之呶剝魚時割其腹以為大臠也可用祭也其俎又與尸承俎同○疏曰牲體皆橫載鬼進下生人進腍今進腍從生人禮魚皆縮載右首於俎為縮於尸為橫祭進腍生人進鱠今橫載於人為縮不與正祭同又與生人異○楊氏曰主人獻尸羞羊俎及主婦獻尸

始羞豕脰及賓作三獻之爵始羞涪魚俎今並述於
主人獻尸之時者以載俎事同一類故以類相從庶
使易見也不惟此也主人獻侑羞羊俎主婦獻侑其
豕脰又尸酢主人羞胾羊俎主婦致爵于主人始羞
豕脰又主婦羊俎亦尸酢主婦始用之今並述於主
人獻尸之下者亦欲以類相從也鄭注云此以下十
一俎俟時而載於此歷說之爾蓋謂此也

卒升

註曰卒已也己載尸羊俎

賓長設羊俎于豆南賓降尸升筵自西方坐左執爵右
取韭菹梗于三豆祭于豆間尸取麴糵宰夫贊者取白
魚以授尸尸受魚祭于豆祭

註曰賓長上賓

雍人授次賓疏匕與俎受于鼎西左手執俎左魚縮之
卻右手執匕枋縮于俎上以東面受于羊鼎之西司馬
在羊鼎之東二手執挑匕枋以挹清注于疏匕若是者

三

註曰挑謂之軟讀如或舂或抗之抗字或作挑者秦人語也此二匕者皆有淺升狀如飯糝挑長枋可以抒物於器中者注猶寫也○疏曰淺升對常勺升深也

尸興左執爵右取肺坐祭之祭酒興左執爵

註曰肺羊祭肺

次賓縮執匕俎以升若是以授尸尸卻手受匕枋坐祭

嘑之興覆手以授賓賓亦覆手以受縮匕于俎上以降

註曰嘑音者明音肉加耳嘗之以其汁尚味○疏曰

此匕音似大羹案特牲大羹不祭不嘑以不為神非
盛此嘑之者明肉音加先進其汁而嘗之尚味故也
以音肉加在鼎有汁在俎無汁故以匕進汁

尸席末坐啐酒興坐奠爵拜告旨執爵以興主人北面
于東楹東答拜

註曰旨美也拜告酒美答主人意

司馬羞羊肉滑縮執俎尸坐奠爵興取肺坐絕祭臠之
興反加于俎司馬縮奠俎于羊滑俎南乃載于羊俎卒
載俎縮執俎以降

註曰絕祭絕肺末以祭周禮曰絕祭滑使次賓肉使
司馬大夫禮多崇敬也○楊氏曰按正俎皆橫執橫
奠加俎皆縮執縮奠羊滑俎滑字衍

尸坐執爵以興次賓羞羊燔縮執俎縮一燔于俎上鹽
在右尸左執爵受燔煇于鹽坐振祭臠之興加于羊俎

賓縮執俎以降

註曰燭炙

尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵末

疏曰獻尸有五節主人獻酒并主婦設籩豆一也賓長設俎二也次賓羞羊七滑三也司馬羞羊肉滑四也次賓羞羊燭五也

主人酌獻侑侑西楹西北面拜受爵主人在其右北面
答拜

註曰不洗者俱獻間無事也主人就右者賤不專階
○疏曰以獻尸訖即獻侑中間無別酌酢之事也然
爵從卑者來向尊雖無事亦洗

主婦薦韭菹醢坐奠于筵前醢在南方婦贊者執二盃
醢贊以授主婦主婦不興受之奠醢于醢南贊在醢東
主婦入于房

註曰醢在南方者立侑為尸使正饌統焉○疏曰凡設菹常在右便其換今菹在醢北者以其立侑以輔尸故菹在北統於尸也

侑升筵自北方司馬橫執羊俎以升設于豆東侑坐左執爵右取菹換于醢祭于豆間又取醢蕢同祭于豆祭興左執爵右取肺坐祭之祭酒興左執爵次賓羞羊燔如尸禮侑降筵自北方北面于西楹西坐卒爵執爵以興坐奠爵拜主人答拜

註曰答拜拜于侑之右○疏曰此節有三事主婦薦
籩豆一也司馬羞羊俎二也次賓羞羊燔三也侑降
於尸二等無羊七湑又無肉湑

尸受侑爵降洗侑降立于西階西東面主人降自阼階
辭洗尸坐奠爵于篚興對卒洗主人升尸升自西階主
人拜洗尸北面于西楹西坐奠爵答拜降盥主人降尸
辭主人對卒盥主人升尸升坐取爵酌

註曰酌者將酢主人○疏曰特牲少牢主人獻尸尸

即酢主人此特獻侑乃酢尸卑達主人之意也

司宮設席于東序西面

疏曰特牲少牢皆致爵乃設席此賓尸受酢即設者

主人益尊

主人東楹東北面拜受爵尸西楹西北面答拜主婦薦
韭菹醢坐奠于筵前菹在北方婦贊者執二籩醢贊主
婦不興受設醴于菹西北贊在醴西主人升筵自北方
主婦入于房

註曰設籩于菹西北亦辟鉶

長賓設羊俎于豆西主人坐左執爵祭豆籩如侑之祭
興左執爵右取肺坐祭之祭酒興次賓羞七淖如尸禮
席末坐啐酒執爵以興司馬羞羊肉淖縮執俎主人坐
奠爵于左興受肺坐絕祭臠之興反加于淖俎司馬縮
奠淖俎于羊俎西乃載之卒載縮執虛俎以降

註曰奠爵于左者神惠變於常也言受肺者明有授
言虛俎者羊淖俎訖於此虛不復用○疏曰此雍人

所陳羊俎西在南不復用此俎見下次賓羞羊燔於
主人用北之豕俎用豕俎羞羊燔禮殺也

主人坐取爵以興次賓羞燔

疏曰燔即羊燔主人與尸侑皆用羊體主婦獻尸以
後悉用豕體賓長獻尸後悉用魚從是以知之

主人受如尸禮主人降筵自北方北面于阼階上坐卒
爵執爵以興坐奠爵拜執爵以興尸西楹西答拜主人
坐奠爵於東序南

註曰不降奠爵於篚急崇酒

侑升尸侑皆北面于西楹西

註曰見主人不反位知將與已為禮

主人北面于東楹東再拜崇酒

註曰崇充也拜謝尸侑以酒薄充滿

尸侑皆答再拜主人及尸侑皆升就筵

疏曰此亦有五節尊主人故與尸同

司官取爵于篚以授婦贊者于房東以授主婦

註曰房東房戶外之東

主婦洗爵于房中出賓爵尊南西面拜獻尸尸拜于筵上受

註曰尊南西面拜由便也○疏曰賓主獻酢無在筵上受法今筵上受者以婦人所獻故尸不與行賓主之禮故不得各就其階若然少牢主人祝拜于席上坐受者註云室內迫狹故拜筵上與此禮異

主婦西面于主人之席北拜送爵入于房取一羊釂坐

奠于韭菹西主婦贊者執豕鉶以從主婦不興受設于
羊鉶之西興入于房取糗與股脩執以出坐設之糗在
簣西脩在白西興立于主人席北西面

註曰飲酒而有鉶者祭之餘鉶無黍稷殺也糗餌
也股脩擣肉之脯

尸坐左執爵祭糗脩同祭于豆祭以羊鉶之杞挹羊鉶
遂以挹豕鉶祭于豆祭祭酒次賓羞豕匕涪如羊匕涪
之禮尸坐啐酒左執爵嘗上鉶執爵以興坐奠爵拜主

婦答拜執爵以興司士羞豕胾尸坐奠爵興受如羊肉
湑之禮坐取爵興次賓羞豕燔尸左執爵受燔如羊燔
之禮坐卒爵拜答婦答拜受爵

疏曰上文主人獻節凡有三爵有主人獻尸獻侑并
受酢此主婦獻內凡有四節主婦獻尸一也獻侑二
也致爵於主人三也受尸酢四也下文賓長為三獻
爵止故與主婦亞獻同亞獻凡五節設兩鉶一也設
糗脩二也次賓羞豕七湑三也司士羞豕胾四也次

賓羞承燭五也

酌獻侑拜受爵主婦主人之北西面答拜

註曰酌獻者主婦

主婦羞糗脩坐奠糗于黽南脩在黃南侑坐左執爵取
糗脩魚祭于豆祭司士縮執承脣以升侑興取肺坐祭
之司士縮奠承脣于羊俎之東載于羊俎卒乃縮執俎
以降侑興

註曰承脣無滯於侑禮殺○疏曰案上下文尸與侑

及主人主婦俱是正俎皆橫執俎以升又橫設於席
前若益送之俎皆縮執之又縮於席前今司士所羞
豕膋是益送之俎縮執是其常而言縮執者以其文
承上主人獻侑時無羊肉湑故主婦獻侑司士羞豕
膋不得相如是以經特著縮執俎見異於諸正俎○
坡謂上下文尸主人主婦設正俎皆無橫文惟侑正
俎言司馬橫執恐誤以為侑禮異益送之俎亦橫之
可知故特著縮執以見侑正俎橫則凡正俎皆橫上

下益俎皆縮侑益俎亦縮文理互足為義

次賓羞豕燔侑受如尸禮坐卒爵拜主婦答拜受爵

註曰降於尸二等無鉶羹與豕七渚

酌以致于主人主人筵上拜受爵主婦北面于阼階上
答拜

註曰主婦易位拜于阼階上辟併敬○疏曰前主婦
獻尸侑拜送於主人北今致爵於主人拜於階上者
辟併敬主人與尸侑故易位也特牲三獻爵止乃致

爵此未三獻已致爵者以上篇已有獻於尸故此不待三獻又見儻尸禮殺故早致

主婦設二鉶與糗脩如尸禮主人共祭糗脩祭鉶祭酒受豕匕涪拜啐酒皆如尸禮嘗鉶不拜

註曰主人如尸禮尊也其異者不告旨○疏曰前獻尸啐酒不拜拜在嘗鉶下或此拜字衍

其受豕脣受豕燭亦如尸禮坐卒爵拜主婦北面答拜受爵

疏曰此亦有五節行事與尸同

尸降筵受主婦爵以降

註曰將酢主婦

主人降侑降主婦入于房主人立于洗東北西面侑東面于西階西南

註曰俟尸洗

尸易爵于篚盥洗爵

註曰易爵者男女不相襲爵

主人揖尸侑

註曰將升

主人升尸升自西階侑從主人北面立于東楹東侑西
楹西北面立

註曰俟尸酌

尸酌主婦出于房西面拜受爵尸北面于侑東答拜主
婦入于房司宮設席于房中南面主婦立于席西

註曰設席者主婦尊○疏曰賓長以下皆無設席之文

婦贊者薦韭菹醢坐奠于筵前菹在西方婦人贊者執
醴蕢以授婦贊者婦贊者不興受設醴于菹西蕢在醴
南

註曰婦人贊者宗婦之少者○疏曰大夫贊非一人
贊主婦及長婦故云宗婦少者

主婦升筵司馬設羊俎于豆南主婦坐左執爵右取菹
授于醢祭于豆間又取醴蕢蕢祭于豆祭主婦奠爵興
取肺坐絕祭臠之興加于俎坐挽手祭酒啐酒

註曰挽手者于悅悅佩巾內則曰婦人亦左佩紛悅
次賓羞羊燭主婦興受燭如主人之禮主婦執爵以出
于房西面于主人席北立卒爵執爵拜尸西楹西北面
答拜主婦入立于房尸主人及侑皆就筵

註曰出房立卒爵宜向尊不坐者變於主人也執爵
拜變于男子也○疏曰此科內從酢有三婦贊者設
豆籩一也司馬設羊俎二也次賓羞羊燭三也主婦
與侑同主人與尸同

上賓洗爵以升酌獻尸尸拜受爵賓西楹西北面拜送爵尸奠爵于薦左賓降

註曰上賓賓長也謂之上賓以將獻異之或謂之長賓奠爵爵止也○疏曰尸不舉者以三獻訖正禮終欲使神惠均於庭徧得獻乃舉之故下文主人獻及衆賓以下訖乃作止爵若然特牲及下大夫尸在室內始行三獻未行致爵尸奠爵欲得神惠均于室此擯尸之禮室內已行三獻至此僎尸夫婦又已行致

爵訖饗尸又在堂故爵止者欲得神惠均於庭與正祭者異

主人降洗爵尸侑降主人奠爵于篚辭尸對卒洗揖尸升侑不升

註曰侑不升尸禮益殺不從

主人實爵酬尸東楹東北面坐奠爵拜尸西楹西北面答拜坐祭遂飲卒爵拜尸答拜降洗尸降辭主人奠爵于篚對卒洗主人升尸升主人實爵尸拜受爵主人反

位答拜尸北面坐奠爵于薦左

註曰降洗者主人○疏曰此主人酬尸尸奠於薦左
者不舉案下經二人舉觶於尸侑侑奠觶於右註云
奠於右者不舉也神惠右不舉變於飲酒與此不同
者特牲及下不儗尸皆無酌尸之事此特有之由儗
尸如與賓客飲酒然故有酬異於神惠故奠於左也
尸侑主人皆升筵

乃羞宰夫羞房中之羞于尸侑主人主婦皆右之司士

羞庶羞于尸侑主人主婦皆左之

註曰二羞所以盡歡心房中之羞其遷則糗餌粉簋
其且則醢食糝食庶羞羊臠豕臠皆有醢醢房中之
羞內羞也內羞在右陰也庶羞在左陽也○疏曰房
中之羞其遷是周禮遷人職云羞遷之實其且則醢
人職云羞豆之實公食大夫牲皆臠及炙載此直云
臠載不言炙者彼是禮禮故庶羞並陳此飲酒之禮
燔炙前已從獻故止有臠載而已內羞是穀物故云

陰庶羞是牲物故云陽

主人降南面拜衆賓于門東三拜衆賓門東北面皆答
壹拜

註曰拜于門東明少南就之也言三拜者衆賓賤旅
之也衆賓一拜賤也卿大夫尊賓賤純臣也位在門
東

主人洗爵長賓辭主人奠爵于篚興對卒洗升酌獻賓
于西階上長賓升拜受爵主人在其右北面答拜宰夫

自東房薦脯醢醢在西司士設俎于豆北羊胾一腸一胃一切肺一膚一

註曰羊胾羊左胾上賓一體賤也薦與設俎者既則俎于西序端○疏曰鄉飲酒司正升相受酌者降席司正退立于序端然則先事既設後事未至其退立之位當在于序端知此不降者下文賓執祭以降宰夫執薦以從司士執俎以從無升文明此不降退立于序端可知

賓坐左執爵右取脯揆于醢祭之執爵興取肺坐祭之
祭酒遂飲卒爵執以興坐奠爵拜執爵以興主人答拜
受爵賓坐取祭以降西面坐委于西階西南

註曰成祭於上尊賓也取祭以降反下位也反下位
而在西階西南已獻尊之祭脯肺○疏曰凡言反位
者或反初位或上下位異亦為反此則初位在門東
今得獻反在西階南與主人相對已獻尊之故也若
燕禮士得獻位于東方亦是尊之者也

宰夫執薦以從設于祭東司士執俎以從設于薦東

衆賓長升拜受爵主人答拜坐祭立飲卒爵不拜既爵

註曰既盡也長賓升者以次第升受獻言衆賓長拜

則其餘不拜

宰夫贊主人酌若是以辯

註曰主人每獻一人奠空爵于柶宰夫酌授於尊南

辯受爵其薦脯醢與胾設于其位其位繼上賓而南皆

東面其胾體儀也

註曰徧獻乃薦畧之亦宰夫薦司士胥用儀者尊體
盡儀度餘骨可用而用之尊者用尊體卑者用卑體
而已亦有切肺膚

乃升長賓主人酌酢于長賓西階上北面賓在左

註曰主人酌自酢序賓意賓卑不敢酢○疏曰特牲
獻長賓訖即酢此主人益尊先自達其意

主人坐奠爵拜執爵以興賓答拜坐祭遂飲卒爵執爵
以興坐奠爵拜賓答拜賓降

註曰降反位

宰夫洗觶以升主人受酌降酌長賓于西階南北面賓
在左主人坐奠爵拜賓答拜坐祭遂飲卒爵拜賓答拜
註曰宰夫授主人觶則受其虛爵奠于篚

主人洗賓辭主人坐奠爵于篚對卒洗升酌降復位賓
拜受爵主人拜送爵賓西面坐奠爵于薦左

疏曰奠薦左者後舉之為無算爵也

主人洗升酌獻兄弟于阼階上兄弟之長升拜受爵主

人在其右答拜坐祭立飲不拜既爵皆若是以辨

註曰兄弟長幼立飲賤不別大夫之賓尊於兄弟宰夫不贊酌者兄弟以親昵來不以官待之○疏曰上文大夫賓貴使宰夫贊酌今兄弟酌不使宰夫贊酌者為兄弟是親昵不以官待之故兄弟雖賤於賓不得使人贊酌而親之也

辨受爵其位在洗東西面北上升受爵其薦胾設于其位

註曰亦辯獻乃薦既云辯矣復言升受爵者為衆兄弟言也衆兄弟升不拜受爵先著其位于上乃後云薦胥設於其位明位初在是也位不繼于主人而云洗東卑不統於尊此薦胥皆使私人○疏曰上賓拜受爵又拜既爵衆賓及長兄弟拜受爵不拜既爵衆又弟又不拜受爵是其差也○坡謂升受爵是設薦胥者所用為節言當升受爵之時則設薦胥於其位耳衆兄弟亦拜受爵辨見獻私人節

先生之脅折脅一膚一

註曰先生長兄弟折肱左肩之折

其衆儀也

主人洗獻內賓于房中南面拜受爵主人南面于其右

答拜

註曰內賓姑姊妹及宗婦獻于主婦之席東主人不

西面尊不與為賓主禮也南面於其右主人之位恒

左人

坐祭立飲不拜既爵若是以辯亦有薦胥

註曰亦設薦胥於其位特牲饋食禮記曰內賓立于

房中西墉下東面南上宗婦北堂東面北上

主人降洗升獻私人于阼階上拜于下升受主人答其
長拜乃降坐祭立飲不拜既爵若是以辯宰夫贊主人
爵主人於其羣私人不答拜其位繼兄弟之南亦北上
亦有薦胥

註曰私人家臣己所自謁除也大夫言私人明不純

臣也士言私臣明有君之道北上不敢專其位亦有薦膺初亦北面在衆賓之後耳言繼者以爵既獻爲文凡獻位定○疏曰謂除者謂請於君除其課役以補任爲之大夫尊近於君故屈名私人士卑不嫌也云凡獻位定是獻以前非定位也未獻時在衆賓後特牲記云門東北面是也○坡謂云主人於羣私人不答拜則羣私人亦拜受不但其長拜受而已推之則上衆賓衆兄弟亦當拜受主人亦答拜注似未致

主人就筵

尸作三獻之爵

註曰上賓所獻爵不言三獻作之者賓尸而尸益卑
可以自舉

司士羞涪魚縮執俎以升尸取膾祭之祭酒卒爵

註曰不羞魚七涪畧小味也羊有正俎羞七涪肉涪
豕無正俎魚無七涪隆汚之殺

司士縮奠俎于羊俎南橫載于羊俎卒乃縮執俎以降

尸奠爵拜三獻北面答拜受爵○酌獻侑侑拜受三獻
北面答拜司馬羞涪魚一如尸禮卒爵拜三獻答拜受
爵

註曰司馬羞涪魚變於尸

酌致主人主人拜受爵三獻東楹東北面答拜

註曰賓拜於東楹東以主人拜受於席就之

司士羞一涪魚如尸禮卒爵拜三獻答拜受爵○尸降
筵受三獻爵酌以酢之

註曰既致主人尸乃酢之遂賓意

三獻西楹西北面拜受爵尸在其右以授之尸升筵南面答拜坐祭遂飲卒爵拜尸答拜執爵以降實于篚○
二人洗觶升實爵西楹西北面東上坐奠爵拜執爵以興尸侑答拜坐祭遂飲卒爵執爵以興坐奠爵拜尸侑答拜皆降

註曰三獻而禮小成使二人舉爵序殷勤於尸侑○
疏曰鄉飲酒鄉射特牲皆一人舉觶為旅酬始二人

舉觶為無算爵始今以二人為旅酬始者此賓尸別
一禮與彼不同其初時主人酬尸尸奠之侑未得酬
故使二人舉觶侑乃奠而不舉尸則執觶以酬主人
主人酬侑侑酬長賓如是以辨

洗升酌反位尸侑皆拜受爵舉觶者皆拜送侑奠觶于
右

註曰奠于右者不舉也神惠右不舉變於飲酒

尸遂執觶以興北面于阼階上酬主人主人在右

註曰尸拜於阼階上酬禮殺

坐奠爵拜主人答拜不祭立飲卒爵不拜既爵酌就于阼階上酬主人

註曰言就者主人立待之

主人拜受爵尸拜送

註曰酬不奠者急酬侑也

尸就筵主人以酬侑于西楹西侑在左坐奠爵拜執爵興侑答拜不祭立飲卒爵不拜既爵酌復位侑拜受

主人拜送

註曰言酌復位明授於西階上

主人復筵乃升長賓侑酬之如主人之禮

註曰遂旅也言升長賓則有贊呼之

至于衆賓遂及兄弟亦如之皆飲于上

註曰上西階上

遂及私人拜受者升受下飲

註曰私人之長拜于下升受兄弟之爵下飲之

卒爵升酌以之其位相酬辯

註曰其位兄弟南位亦拜受拜送升酌由西階

卒飲者實爵于篚

註曰未受酬者雖無所旅猶飲○疏曰此私人未受

酬者彼雖無人可旅猶自飲之訖乃實爵于篚以其

酒是前人所酬不可不飲故也

乃羞庶羞于賓兄弟內賓及私人

註曰無房中之羞賤也此羞同時羞則酌房中亦旅

其始主婦舉觶於內賓遂及宗婦○疏曰內賓羞在私人之上私人得旅酬則房中內賓亦旅可知

兄弟之後生者舉觶于其長

註曰後生者年少也

洗升酌降北面立于阼階南長在左坐奠爵拜執爵以興長答拜

註曰長在左辟主人

坐祭遂飲卒爵執爵以興坐奠爵拜執爵以興長答拜

洗升酌降長拜受於其位舉爵者東面答拜爵止

註曰拜受答拜不北面者儼尸禮殺長賓言莫兄弟言止互相發明相待也○疏曰上文主人酬賓賓奠爵于薦左與此爵止相待俱時舉行下文交錯其酬爵無算是也依次第不交錯為旅酬

賓長獻于尸如初無涪爵不止

註曰如初如其獻侑酌致主人受尸酢也無涪爵不止別不如初者不使兄弟不稱加爵大夫尊也不用

觚大夫尊者也○疏曰賓長者賓之長次上賓者非
即上賓也前上賓獻有潛魚從今無前上賓獻尸亦
止爵待堂下獻衆賓畢乃作止爵今尸不止爵即飲
特牲長兄弟洗觚為加爵又衆賓長為加爵此尊大
夫言獻者若三獻之外更容有獻也用爵爵尊於觚
賓一人舉爵于尸如初亦遂之於下

註曰一人次賓長者如初如二人洗觥之為也遂之
於下者遂及賓兄弟下至於私人是言遂之于下

上言無涓爵不止互相發明○疏曰此更為旅酬如
上旅酬之事

賓及兄弟交錯其酬皆遂及私人爵無算

註曰奠數也長賓取觶酬兄弟之黨長兄弟取觶酬
賓之黨唯己所欲無有次第之數也○疏曰長賓取
觶者是主人酬賓觶長兄弟取觶者是後生舉于其
長之觶

尸出侑從主人送于廟門之外拜尸不顧

註曰拜送之

拜侑與長賓亦如之衆賓從

註曰從者不拜送也

司士歸尸侑之俎

註曰尸侑尊送其家

主人退

註曰反於寢也

有司徹

註曰徹堂上下之薦俎也外賓尸雖堂上婦人不徹
○疏曰堂上有尸侑之薦俎堂下有賓及兄弟之薦
俎皆徹之也此篇首云有司徹別無婦人也下大夫
有司饌陽厭婦人徹之註云外內相兼禮殺此戶外
賓尸亦禮殺嫌婦人亦徹之故云雖堂上婦人不徹
婦人必不徹者異於下大夫也堂上賓尸猶如堂內
之陽厭

若不賓尸

註曰不賓尸謂下大夫也其牲物則同不得備其禮耳舊說云謂大夫有疾病攝昆弟祭曾子問曰攝主不厭祭不旅不假不綏祭不配布莫于賓賓奠而不舉而此備有似失之矣○疏曰不備禮謂儗尸之禮厭祭陽厭也假讀為嘏

則祝侑亦如之

註曰謂尸七飯時○疏曰上篇尸食七飯告飽祝獨侑不拜曰皇尸未實侑是也此以前皆與上大夫同

以後以此續之

尸食

註曰八飯

乃盛俎臠臂肫胝脊橫脊短脅代脅皆牢

註曰盛者盛于所俎也此七體羊豕其脊脅皆取一

體也與所舉正脊幹骼凡十矣肩未舉既舉而俎猶

有六體焉○疏曰特牲尸食訖乃盛今八飯即盛大

夫禮與士相變先言臠從下起不言肩肩未舉不言

正脊長脇肋已舉在俎有司徹不盛俎者更無所用
全以歸尸故也三脊三脅皆取一骨盛於所各有一
骨在俎以備陽厭故猶有六體

魚七

註曰盛半也魚十有五而俎其一已舉必盛半者魚
無足翼於牲象脊脇而已○疏曰牲脊脇亦盛半

腊辨無髀

註曰亦盛半也所盛者右體也脊屬焉言無髀者云

一純而姐嫌有之○疏曰下經乃撫于魚腊姐釋
三个明不盡盛腊在魚下明盛半與魚同牲用右知
此亦盛右體腊脊不折左右三脇并脊為七通肩臂
等十為十七體肩既舉姐惟有十六在言盛半明脊
屬為兩髀在祝姐明無髀○楊氏曰辨者蓋辨盛右
體也盛半脊屬則左脰五體并三脅八體耳
卒盛乃舉牢肩尸受振祭嘽之佐食受加于所

註曰舉七

佐食取一俎于堂下以入奠于羊俎東

註曰不言魚俎東主于尊○疏曰少牢魚在羊東今
據魚腊宜在魚俎東

乃據于魚腊俎俎釋三个其餘皆取之實于一俎以出

註曰箇猶枚也魚據四枚腊據五枚其所釋者腊則
短脅正脅代脇魚三枚而已

祝主人之魚腊取于是

註曰祝主人主婦俎之魚腊取于此者大夫之禮文

待神餘也三者各取一魚其腊主人臂主婦臠祝則
胙也與此皆於鼎側更載焉不言主婦未聞○疏曰
特牲祝主人主婦皆無腊上大夫儗尸腊為庶羞不
載於俎與此異此下大夫待神餘故祝主人主婦皆
有腊主人臂主婦臠見下經祝用胙無正文故云與以
疑之云更載者據時共在一俎設時各異俎故知更
載云鼎側不復升鼎也不言主婦轉寫脫耳
尸不飯告飽主人拜侑不言尸又三飯

註曰凡十一飯士九飯大夫十一飯其餘有十三飯十五飯○疏曰士大夫既不分命數則諸侯同十三飯天子十五飯可知

佐食受牢舉如儗

註曰舉肺脊○疏曰自此盡薦胥皆如賓禮論主人獻尸祝及佐食之事此主人獻有五節主人獻尸一也酢主人二也獻祝三也獻上佐食四也獻下佐食五也○楊氏曰以上舉者先已舉在俎盛者方盛于

俎未舉者卒觶乃舉撫者取為祝主人主婦之俎釋
者備陽厭于西北隅

主人洗酌醕尸賓羞肝皆如儻禮卒爵主人拜祝受尸
爵尸答拜祝酌授尸尸以醋主人亦如擯其綏祭其
嘏亦如儻

註曰肝半肝也綏皆當作稔稔讀為藏其墮之墮

其獻祝與二佐食其位其薦胥皆如儻

主婦其洗獻于尸亦如儻

註曰自尸脩不飯告飽至此與賓同者在上篇

主婦反取籩于房中執棗糗坐設之棗在稷南糗在棗南

疏曰此設籩繼在少牢陰厭神饌也

婦贊者執栗脯主婦不興受設之栗在糗東脯在棗東
主婦興反位

註曰棗饋食之選糗羞選之實雜用之下賓尸也栗
脯加選之實也反位反主人之北拜送爵位○疏曰

遷人饋食之遷棗栗桃乾榛榛實羞遷之實糗餌粉
簋加遷之實菱芡栗脯上饋尸廟事之遷羞遷之實
不雜也又賓尸主婦亞獻直有脯脩二遷此有四遷
者彼主人獻尸主婦設醴黃白黑故至主婦直設二
遷通六遷此主人初獻無遷則主婦四遷猶少兩遷
尸左執爵取棗糗祝取栗脯以授尸尸兼祭于豆祭祭
酒啐酒次賓羞牢燔用俎鹽在右尸兼取燔揆于鹽振
祭嘑之祝受加于所卒爵主婦拜祝受尸爵尸答拜

註曰自主婦反遷至祝受加于所此異于儻○疏曰
上篇主婦但有獻而已無遷燔從之事此篇首儻尸
主婦亞獻尸乃有遷餌之事其物又異唯糗同耳故
云此異于儻也

祝易爵洗酌授尸尸以醋主婦主婦主人之北拜受爵
尸答拜主婦反位又拜上佐食綏祭如儻卒爵拜尸答
拜

註曰主婦夾爵拜為不賓尸降崇敬○疏曰特牲主

婦不夾爵拜上篇主婦夾爵拜此下大夫宜與士妻同為不賓尸降崇敬故夾爵拜

主婦獻祝其酌如儼拜坐受爵主婦主人之北答拜

註曰自尸卒爵至此亦與儼同者亦在上篇

宰夫薦棗糗坐設棗于菹西糗在棗南祝左執爵取棗糗祭于豆祭酒啐酒次賓羞燭如尸禮卒爵

註曰內子不薦遷祝賤使官可也自宰夫薦至賓羞燭亦異于儼○疏曰特牲主婦設遷少牢無遷燭從

主婦受爵酌獻二佐食亦如饋主婦受爵以入于房

疏曰獻數與主人同惟不受嘏為異

賓長洗爵獻于尸尸拜受賓戶西北面答拜爵止

註曰尸止爵者以三獻禮成欲神惠之均於室中是以奠而待之○疏曰少牢賓獻與此篇首賓長獻皆云拜送此言答拜者下大夫也拜送重答拜輕

主婦洗于房中酌致于主人主人拜受主婦戶西北面拜送爵司宮設席

註曰受拜乃設席變於士也○疏曰上大夫受致不酢下大夫受致又酢不致士受致自致是上大夫尊辟君下大夫與士卑不嫌與君同

主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在棗西佐食設俎臂脊脅肺皆牢膚三魚一腊臂

註曰臂左臂也特牲五體此三者以其牢與腊臂而七牢腊俱臂亦所謂腊如牲體○疏曰牢謂羊豕也

既羊豕臂脊骨俱有是六也通腊臂而七是以牲體
唯有三也

主人左執爵右取菹揔于醢祭于豆間遂祭籩奠爵興
取牢肺坐絕祭臠之興加于俎坐拱手祭酒執爵以興
坐卒爵拜

註曰無從者變於士也亦所謂順而撫也○疏曰特
牲主婦致爵於主人肝燔並從此無從故云變於士
也

主婦答拜受爵酌以醋戶內北面拜

註曰自酢不更爵殺

主人答拜卒爵拜主人答拜主婦以爵入于房

楊氏曰自主人酹尸以後其節卒與特牲禮同但主人不致爵于主婦為異

尸作止爵祭酒卒爵賓拜祝受爵尸答拜

註曰作止爵乃祭酒亦變於士自爵止至作止爵亦異於饋○疏曰特牲祭酒訖乃止爵者以經云燔從

如初乃云爵止鄭云初亞獻也亞獻時祭酒訖乃始
燔從則三獻燔從如初始云爵止明是祭酒既訖乃
始止爵今大夫作止爵乃祭酒故云變於士賓尸止
爵在致爵後其作之在獻私人後

祝酌授尸賓拜受爵尸拜送坐祭遂飲卒爵拜尸答拜
○獻祝及二佐食○洗致爵于主人

註曰洗致爵者以承佐食賤新之

主人席上拜受爵賓北面答拜坐祭遂飲卒爵拜賓答

拜受爵○酌致爵于主婦主婦北堂司官設席東面

註曰北堂中房以北東面者變於士妻賓尸不變者
賓尸禮異矣內子東面則宗婦南面西上內賓自若
東面南上○疏曰宗婦位繼於主婦今主婦准特牲
在宗婦位易處則宗婦位亦易處在主婦位南面西
上可知

主婦席北東面拜受爵賓西面答拜

註曰席北東面者北為下○疏曰曲禮東鄉西鄉以

南方為上

婦贊者薦韭菹醢菹在南方婦人贊者執棗糗授婦贊者婦贊者不與受設棗于菹南糗在棗東

註曰婦人贊者宗婦之弟婦也

佐食設俎于豆東羊臠豕折羊脊脅祭肺一膚一魚一腊臠

註曰豕折豕折骨也不言所折畧之特牲主婦殺折豕無脊脅下主人羊豕四體與腊臠而五○疏曰主

人七體

主婦升筵坐左執爵右取菹揆于鹽祭之祭籩奠爵興
取肺坐絕祭臠之興加于俎坐挽手祭酒執爵興筵北
東面立卒爵拜

註曰立飲拜既爵者變於丈夫

賓答拜賓受爵○易爵于篚洗酌酢于主人戶西北面
拜主人答拜卒爵拜主人答拜賓以爵降奠于篚

註曰賓獻及二佐食至此亦異於賓○疏曰少牢及

祝而止

乃羞宰夫羞房中之羞司士羞庶羞于尸祝主人主婦
內羞在右庶羞在左

疏曰此節凡有十爵獻尸一也主婦致爵於主人二
也主人酢主婦三也尸作止爵訖酢賓長四也賓獻
祝五也獻上佐食六也獻下佐食七也致爵主人八
也致爵主婦九也受主人酢十也

主人降拜衆賓洗獻衆賓其薦胥其位其酬酢皆如價

禮 主人洗獻兄弟與內賓與私人皆如儻禮其位其薦胥皆如儻禮○卒乃羞于賓兄弟內賓及私人辯

註曰自乃羞至私人之薦胥此亦與儻同者在此篇不儻尸則祝猶侑耳卒已也乃羞者羞庶羞

賓長獻于尸尸醕獻祝致醕賓以爵降實于簠

註曰致謂致爵于主人主婦不言如初者爵不止又不及佐食○疏曰上賓長已獻訖此是次賓長為加爵也

賓兄弟交錯其酬無算爵

註曰此亦與儔同者在此篇○疏曰此堂下兄弟及賓行無算爵似上大夫無旅酬故云與儔同若兼有旅酬不得言同案特牲尸在室內亦不與旅酬之事而堂下賓及兄弟行旅酬又使弟子二人舉觴為無算爵者下大夫雖無儔尸之禮堂下亦與神靈共尊不敢與人君之禮同既與神靈共尊故闕旅酬直行無算爵而已特牲堂下得獻之後與神別尊故旅酬無

算爵並皆行之士賤不嫌與君同故得禮備也

利洗爵獻于尸尸醕獻祝祝受祭酒啐酒奠之

註曰利獻不及主人殺也此亦異於賓○疏曰此佐食為加爵云殺者賓長加爵及主又云異者少牢無利獻饌尸佐食又不與也

主人出立于阼階上西面祝出立于西階上東面祝告于主人曰利成祝入主人降立于阼階東西面尸謖祝前尸後遂出于廟門

祝反復位于室中祝命佐食徹尸俎佐食乃出尸俎于廟門外有司受歸之俎徹昨薦

註曰自主人出至此與賓雜者也先養徹主人薦俎者變于士特牲饋食禮曰徹昨俎且遽設于東序下
○疏曰雜謂有同有不同見少牢

乃養如賓

註曰謂上篇自宮設對席至上餼興出也

卒養有司官徹饋饌于室中西北隅南面如饋之設右

几扉用席

註曰官徹饋者司馬司士舉俎宰夫取敦及豆此於尸設改饌當室之白孝子不知神之所庶其饗之于此所以為厭飫不令婦人改徹饌敦豆變於始也尚使官也佐食不舉羊豕俎親饌尊也扉隱也○疏曰宰夫多主主婦之事敦豆本主婦設之今云官徹明宰夫為之故云變於始

納一尊于室中

註曰陽厭穀無玄酒

司宮掃祭

註曰埽豆間之祭舊說云埋之西階東○疏曰引舊

說者案曾子問凡幣帛皮圭為主命埋之階間此豆

間之祭舊說埋之西階東以神位在西故近西階

主人出立于阼階上西面祝執其俎以出立于西階上

東面司宮闔牖戶

註曰閉牖與戶為鬼神或者欲幽闇

祝告利成乃執俎以出于廟門外有司受歸之衆賓出
主人拜送于廟門外乃反

註曰拜送賓者亦拜送其長不言長賓者下大夫無
尊賓也○疏曰賓尸特拜送侑與長賓即此云拜送
者拜送其長可知


婦人乃徹

註曰徹祝之薦及房中薦俎不使有司者下上大夫
之禮○疏曰上大夫祭畢將饋尸有司徹賓尸禮終

亦有司徹今婦人徹故云下上大夫之禮也

徹室中之饌

註曰有司饌之婦人徹之外內相兼禮殺



儀禮述註卷十七

附授長兒儀禮跋

儀禮十有七篇，依古經錄出其斷節分註，則本之信齋楊先生，夫其辨寢廟之四方位，名吉凶之尊卑，節級拜興之繁省，體名肉物之貴賤，饌設之陰陽，嗚呼小子來前，若是其雜也，抑小而非大也，而深察之，非節欲強力者，不足以終其事，非心存無放者，不足以紀其數，非忠厚慘怛者，不足以致其情，大道依之以為實體，精爽會之以為守氣，何以識其必然？如今禮簡矣，爾心或不存。

力或不足即容且失莊立且失位拜興且忘其數況多
文縛節如斯禮乎豈特如是即試讀斯經爾口誦之心
思之則經曲章句錙銖可竭不然則雖盡篇底卷終置
書而茫然以此而推之讀斯書也履斯禮也必一息無
間者乃能之必一念無荒者乃能之無間無荒乃仁義
不去諸心者能之是雜也小也正聖人所謂卑也禮愈
卑則業愈廣爾其學之習之玩之復之昌黎韓公有云
子誦其文則思其義習其儀則行其道則將謂子君子

也小子勉之

